



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CCVI. De Conversione Scumandi Capitanei Sudovvitarum.

urn:nbn:de:hbz:466:1-11850

CAP. CCV.

De

Captivitate prima fratris Ludewici
de Libencele.

FR. Ludewicus de Libencele vir nobilis & in rebus bellicis ab
adolescencia exercitatus mira gesta fecit in vita sua, qua in-
ferius apparebunt. Hic dum captus esset, presentatus fuit Scu-
mando, qui, quia similis ei fuit in audacia, multum dilexit eum,
unde accidit, quod ipsum adhuc in captivitate positum duxit
secum ad locum ubi potentiores terræ Sudoviarum convenerant ad
potandum. In hac potatione quidam
vir nobilis & potens fratrem Ludovicum
contumeliis & jurgiis ad turbationem a-
nimi provocavit. Unde ait ad Scuman-
dum: duxisti me huc, ut iste Cor meum
injuriis affligeret verbis suis? Cui re-
spondit Scumandus: doleo de turbatione
tua, & si audes, vindica injuriam tibi fa-
ctam, ego te juvabo: hoc audito frater Ludewicus animatus
fuit & æmulum suum gladio interfecit; Postea frater Ludewi-
cus per quendam famulum dicti Scumandi liberatus fuit à ca-
ptivitate & ad fratres deductus.

*Eodem tempore Tar-
tari Orientales ultra
quingenta millia Sa-
racenorum occiderunt,
sed Soldanus resumptis
viribus & animo Tar-
tarios invasit & in su-
gam conversos XXX.
millia interfecit.*

CAP. CCVI.

De

Conversione Scumandi Capitanei Su-
dovitarum.

Nn 3

Ille

Iste Scumandus potens fuit & dives in territorio Sudovviæ dicto Craſima, & cum impugnationes continuas fratrum non poſſet ſuſtinere, ceſſit de terra ſua cum tota familia & amicis ad terram Ruſſiæ, in qua dum per tempus aliquod habitaret, fatigatus exilio rediit ad terram nativitatſ ſuæ, quod cum perciperent fratres ipſum in bello iterum invaſerunt, tot vicibus illum vexantes, quod tandem cum omni domo & familia ſua fidei & fratribus ſe ſubjecit.

C A P. CCVII.

*De**Vaſtatione territorii Sudoviæ dicti Se-
lie & ſecunda captivitate fratris Lu-
devvici.*

E O tempore quo frater Mangoldus Magiſter vocatus ad capitulum eſſet in itinere conſtitutus, Fr. Conradus de Tierbergk Marſchalcus cum multis fratribus & maximo Exercitu intravit Sudoviæ territorium dictum Silian, tam copioſus fuit iſte Exercitus, quod multarum ſpacium Leucarum occupavit, ubi omnia ædificia dicti territorii redegerunt in favillam, occi- dentes quendam nobilem dictum Wadole Capitaneum ibidem & plures alios prædam inæſtimabilem deduxerunt. In hoc Exercitu frater Ludevvicus de Libentele multis vulneribus lethali- ter vulneratus, ſemivivus in nive fuit derelictus quem Sudovvitiæ poſtea inveni- entes ſuper equum poſitum, ſic quod caput & brachia ex una parte, & crura ex altera dependebant tam ineptè deduxerunt, quod ſanguis de vulneribus manans jam in corpore coagulatus coactus eſt violenter effundi, & ſic ſanatus fuit ut ve-
raci-